

## *Озыр внуқъясӧн да правнуқъясӧн*

Менӧ шуӧны Светлана Сенькинаӧн. Висьтышта дона пӧрысь ыджыд бать Николай Павлович Беляков йылысь. Сійӧ чужліс Смоленск областьса Друцяны деревнян. Дзолядырйиыс тӧдліс тшыглун, сиктас война кадӧ ыджыдалісны фашистьяс.

Кызди Николай Павлович веськаліс Комиӧ? 1955-ӧд воын том зон воліс гӧститны Надежда нима ыджыд чойыс дорӧ Кулӧмдін районса Дӧрӧмакӧджӧ. Деревняыс пуксьӧма кык гӧра вылӧ, костӧдыс визувтӧ шор. Николайлы воис сьӧлӧм вылас коми ныв. Пӧрысь ыджыд батылӧн чойыс вӧлӧм олӧ ӧти гӧра вылын, а радейтана нылыс - мӧд вылын. И со Надя казяліс да шуӧ: «Мыйкӧ тэ ёна Капаӧс кыйӧдан, сьӧлӧмтӧ крукыштӧма, буракӧ, сійӧ». Том мортлы воис сьӧлӧм вылас коми сиктын олӧм, дзугыльтіс дзик ӧтитор: чужанін сертиыс, Комиын тӧвнас вӧлі ёна кӧдзыд. Ёна жӧ кынмавліс медводдза воясас! Но тайӧ эз повзбӧд збой зонмӧс. Тадзи и кольчис пӧрысь ыджыд бать Комиӧ. Гӧтрасис Капа вылӧ, лӧсьӧдісны семья. Коркӧ сӧсся лӧччисны овны Улыс Ярашыӧ, сӧтысь леспромхоз сетіс патера.

Пӧрысь ыджыд бать нӧмыс уджаліс вӧрын: пӧрӧдчис, раскряжуйтчис, бульдозеристалис (бульдозер вылын дзоньвидзалун пондаыс уджаліс регидик). Рамщикаліс пилорама вылын, бригадиралис, пӧрӧдчыліс и профсоюзлӧн уджӧ. Бур уджсӧ пасйылісны козинъясӧн (ӧнӧдз на казтывлӧ, кызди козыналісны ки вылын новлан часі: зӧв мича, енӧж рӧма - кельыдлӧз циферблата. Часыс муніс дыр, а циферблатыс кузь кадӧн едждіс). Вичмӧдлісны санаторийӧ путевкаяс, пасйылісны почӧт грамотаясӧн. Пӧрысь ыджыд бать – Уджывса ветеран.

Вӧрын уджалӧмысь кындзи, ачыс велӧдчылӧма тӧчны пач, ӧнӧдз на Ярашыӧын бура уна патераын сулалӧны ыджыд батыӧн тӧчӧм пачьясыс. Ёна радейтіс кыйсьыны - и пӧтка, и чери. Роч мортлы вель сьӧкыд вӧлі медводдза кадас, но велалис быдторйӧ: ытшкыны косаӧн (чужанінас ытшкылісны литовкаӧн), лӧсьӧдны вороп да пуавны коса, чер и пурт, утъявны гын сапӧг, стрӧйтчыны, идравны мӧс, шырны ыж.

Уна во нин ыджыд бать пенсия вылын. Ӧні вӧрӧ оз нин ветлы (висьӧ кокыс), но Эжва дорад лӧччылӧ на. Тшӧкыда ыджыд бать дорӧ сӧветла воливлӧны том пач тӧчысьяс, а сылы нимкодъ, висьталас, кызди мый колӧ вӧчны, сӧрнитӧдас и. Век пессьӧ горт гӧгӧр: пыртӧ пес, вердӧ понйӧс, тӧвнас весалӧ лым. Ставсӧ на кутӧ ас киас: и мотоблок, и пыж, и бензин, и

инструментъяс. Ставыс иган сайын, ачыс дӱзьӱритӱ. Дерт, дзоньтасыны отсавны волӱны внукъясыс.

Капиталина Семёновна гӱтырыскӱд быдтисны 7 челядьӱс. Ӗнӱ гажӱдӱны 15 внук-внучка да 12 правнук-правнучка. Пӱрысь ыджыд батылы таво тырис 83 арӱс. Мед Енмыс сетас дзоньвидзалун. Мед дыр на гажӱдас миянӱс.